

ხელშეკრულების პროექტი
პროექტი დაზუსტდება სატენდერო დოკუმენტაციის პირობების და მიმწოდებლის მიერ წარმოდგენილი
ტექნიკური დოკუმენტაციის შესაბამისად

ქ. თბილისი

ერთის მხრივ შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“ (ს/კ 404945164) (შემდგომში „შემსყიდველი“) წარმოდგენილი მისი გენერალური დირექტორის ლაშა კილაძის სახით და მეორეს მხრივ, (შემდგომში „მიმწოდებელი“) წარმოდგენილი ----- სახით, შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ მიერ 2022 წლის --- საოფისე მანქანა-დანადგარები, აღჭურვილობა და საკანცელარიო ნივთები, კომპიუტერების, პრინტერებისა და ავეჯის გარდა (CPV30100000) შესყიდვაზე გამოცხადებული ელექტრონული ტენდერის NAT საფუძველზე, დებენ წინამდებარე ხელშეკრულებას შემდეგზე:

1. ხელშეკრულების საგანი

- 1.1. შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ შემოსავლების ფარგლებში საოფისე მანქანა-დანადგარები, აღჭურვილობა და საკანცელარიო ნივთები, კომპიუტერების, პრინტერებისა და ავეჯის გარდა შესყიდვა (CPV30100000).

2. ხელშეკრულების საერთო ღირებულება

- 2.1. ხელშეკრულების საერთო ღირებულება შეადგენს -----00 ----- ლარს.
2.2. ერთეულის ღირებულება და სპეციფიკაცია განისაზღვრება დანართი №1-ის სახით.
2.3. ხელშეკრულების საერთო ღირებულება მოიცავს შესყიდვის ობიექტის მიწოდებასთან დაკავშირებული „მიმწოდებლის“ ყველა ხარჯს მ.შ. ტრანსპორტირებისა და კანონმდებლობით გათვალისწინებულ გადასახადებს.

3. ხელშეკრულების შესყიდვის ობიექტი

- 3.1. ხელშეკრულების (შესყიდვის) ობიექტია: ტონერიანი კარტრიჯები- CPV30125100.
3.2. დანართი №1 წარმოადგენს ხელშეკრულების განუყოფელ ნაწილს, სადაც მოცემულია შესყიდვის ობიექტის დეტალური აღწერილობა, მწარმოებელი ქვეყანა და კომპანია, მოდელი, ზომის ერთეული, რაოდენობა, ერთეულის ფასი და საერთო ღირებულება.

4. შესყიდვის ობიექტის ხარისხი და საგარანტიო ვადა

- 4.1. შესყიდვის ობიექტის ხარისხი უნდა შეესაბამებოდეს „მიმწოდებლის“ მიერ სატენდერო წინადადებაში და ტექნიკურ დოკუმენტაციაში ასახულ ინფორმაციას.
4.2. შესყიდვის ობიექტის უხარისხობის შემთხვევაში „შემსყიდველი“ სატელეფონო შეტყობინების ან წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი ხარჯებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.
4.3. მიწოდებულ საქონელი უნდა იყოს ქარხნული ორიგინალი, უნდა გააჩნდეს მწარმოებელი ქარხნის დამცავი ნიშანი (ჰოლოგრამა) და შტრიხ კოდი;
4.4. უნივერსალური კარტრიჯების შემთავაზების შემთხვევაში, პროდუქტი თავსებადი უნდა იყოს იმ პრინტერებთან რომელზედაც არის შემთავაზებული, ამასთან კარტრიჯი სრულად უნდა ჯდებოდეს პრინტერში, არ უნდა კუჭავდეს ფურცელს და არ უნდა ქონდეს სხვა სხის ხარვეზები ექსპლუატაციის პროცესში.
4.5. კარტრიჯის გახსნიდან და მის სრულ დაცლამდე ამობეჭდვისას არ უნდა გამოვლინდეს ხარვეზები: წერტილები, თეთრი და შავი ზოლები, ასევე ბეჭდვისას არ უნდა მოხდეს ფურცლის დაუჭვა, კარტრიჯი მყარად უნდა თავსდებოდეს პრინტერში და ა.შ., აღნიშნული და სხვა დეფექტების აღმოჩენის შემთხვევაში, მიმწოდებელი ვალდებულია საკუთარი ხარჯებით ჩაანაცვლოს წუნდებული კარტრიჯი ახლით;
4.6. კარტრიჯიდან არ უნდა იზნეოდეს საღებავი (ტონერი) საბეჭდო მოწყობილობაში. მსგავსი ფაქტის შემთხვევაში „შემსყიდველი“ უფლებამოსილია, მოითხოვოს „მიმწოდებლისგან“ დაზიანებული ტექნიკის შეკეთება საკუთარი ხარჯით.
4.7. იმ შემთხვევაში თუ მოწოდებული კარტრიჯი არ აკმაყოფილებს ზემოაღნიშნული პუნქტებით განსაზღვრულ მოთხოვნებს (თუნდაც ერთს) მიმწოდებელი ვალდებულია 3 სამუშაო დღის ვადაში საკუთარი ხარჯებით მოახდინოს მისი შეცვლა ახალი, მოთხოვნების შესაბამისი ხარისხის მქონე, კარტრიჯით. ხარვეზიანი კარტრიჯების განმეორებით მიწოდების შემთხვევა შემსყიდველის მიერ დაფიქსირდება როგორც არაჯეროვანი მომსახურება და შემსყიდველი უფლებამოსილია მიმწოდებელი დააჯარიმოს ხელშეკრულების ღირებულების 10% ით, ხარვეზიანი კარტრიჯების რამოდენიმეჯერ განმეორებით მიწოდების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება, ასეთ შემთხვევაში მიმწოდებელი დაჯარიმდება ხელშეკრულების ღირებულების 20% ით და მის მიმართ განხორციელდება კანონმდებლობით დადგენილი სხვა სანქციები.
4.8. ყველა კარტრიჯზე უნდა ვრცელდებოდეს გარანტია მის სრულ დაცლამდე, ხოლო გამოუყენებელ კარტრიჯებზე მოწოდებიდან არანაკლებ 2 წელი (გარდა ჭავჭავაძისა);

5. შესყიდვის ობიექტის მიწოდების პირობები, ადგილი და ვადები.

- 5.1. მოწოდება უნდა მოხდეს ეტაპობრივად, საშუალოდ თვეში ერთხელ, ყოველი კონკრეტული მოთხოვნიდან 3 (სამი) სამუშაო დღის ვადაში, არაუგვიანეს 2022 წლის 31 დეკემბრის ჩათვლით.
- 5.2. საქონლის მიწოდების ადგილი – ქ. თბილისი, ქავთარაძის ჩიხი №2, (21^ა), შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“.

6. შესყიდვის ობიექტის მიღება–ჩაბარების წესი

- 6.1. შემსყიდველის მიერ შესყიდვის ობიექტის მიღება წარმოებს ეტაპობრივად, შესყიდვის ობიექტის მიწოდების შემდგომ ფორმდება მიღება–ჩაბარების აქტი.
- 6.2. მიღება–ჩაბარების აქტს შემსყიდველის მხრიდან ხელს აწერს ცენტრის მატერიალურ ტექნიკური უზრუნველყოფის სამსახურის სამეურნეო განყოფილების მთავარი სპეციალისტი ბესიკ წიტიშვილი, ხოლო მიმწოდებლის მხრიდან მის მიერ უფლებამოსილი პირი.
- 6.3. შესყიდვის ობიექტის მიღება–ჩაბარებისათვის მიმწოდებელმა უნდა წარმოადგინოს შესაბამისი დოკუმენტი დასახელების, რაოდენობის, ერთეულის ფასის და საერთო ღირებულების მითითებით. (სასაქონლო ზედნადები/ანგარიშ ფაქტურა).
- 6.4. მიმწოდებელმა უნდა უზრუნველყოს შემსყიდველისათვის 6.4. პუნქტში მითითებული დოკუმენტაციის წარდგენა „შესყიდვის ობიექტის“ დანიშნულ ადგილზე მიწოდებისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯისათვის ეკისრება მიმწოდებელს.
- 6.5. „შესყიდვის ობიექტის“ მიღების დროს გამოვლენილი დეფექტისა და ნაკლის აღმოფხვრას, აუცილებლობის შემთხვევაში გამოცვლას საკუთარი ხარჯებით უზრუნველყოფს „მიმწოდებელი“.
- 6.6. იმ შემთხვევაში, თუ „შემსყიდველის“ მიერ საბოლოო შემოწმების შედეგად გამოვლენილი იქნება „შესყიდვის ობიექტის“ უხარისხობა, იგი წერილობით აცნობებს „მიმწოდებელს“ და მოითხოვს სათანადო კომპენსაციას.

7. ანგარიშსწორების წესი, ფორმა და ვადები

- 7.1. ანგარიშსწორება განხორციელდება ეტაპობრივად, ფაქტიურად მიწოდებული საქონლის შესაბამის თანხაზე, მხარეთა შორის გაფორმებული მიღება ჩაბარების აქტის და მიმწოდებლის მიერ წარმოდგენილი დოკუმენტაციის (სასაქონლო ზედნადები/ანგარიშფაქტურა) საფუძველზე. (არსებობის შემთხვევაში) 15 სამუშაო დღის ვადაში.
- 7.2. ანგარიშსწორების ფორმა – უნაღდო ანგარიშსწორება.
- 7.3. ანგარიშსწორება განხორციელდება ლარებში.

8. პირგასამტეხლო

- 8.1. ხელშეკრულებით ნაკისრი ვალდებულების ხელშეკრულებით განსაზღვრული ვადების გადაცდენის შემთხვევაში მომწოდებელს ეკისრებათ პირგასამტეხლოს გადახდა, ყოველ ვადა გადაცილებულ დღეზე ხელშეკრულების ღირებულების 0,3%-ის ოდენობით.
- 8.2. იმ შემთხვევაში თუ მიმწოდებლის მიერ აღებული ვალდებულებების არაჯეროვანი შესრულების გამო (არაჯეროვან შესრულებაში სხვა გარეწებების გარდა მოიაზრება უხარისხო,სატენდერო მოთხოვნებთან შეუსაბამო საქონლის განმეორებითი მიწოდებები და/ან შემსყიდველის მიერ განსაზღვრულ ვადაში ასეთი საქონლის შეცვლაზე მიმწოდებლის მხრიდან შეფერხება, /უარი და სხვა ხელშეკრულებით აღებული ვალდებულებების დაგვიანებით ან სრული შეუსრულებლობა) შემსყიდველს უფლებამოსილა მოახდინოს მიმწოდებლის დაჯარიმება ხელშეკრულების ღირებულების 10 % ის ოდენობით ან ცალმხრივად შეწყვიტოს ხელშეკრულება.იმ შემთხვევაში. თუ . შემსყიდველის მიერ მოხდა ხელშეკრულების ცალმხრივად შეწყვეტა, მიმწოდებელი ჯარიმდება ხელშეკრულების ღირებულების20%-ით.
- 8.3. იმ შემთხვევაში, თუ პირგასამტეხლოს ჯამური თანხა გადაჭარბებს ხელშეკრულების ღირებულების 2%-ს შემსყიდველს უფლება აქვს (და არა ვალდებულება) ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.
- 8.4. იმ შემთხვევაში თუ ხელშეკრულების გაფორმების შემდეგ მოწოდებელი უარს განაცხადებს მის შესრულებაზე შემსყიდველს ერთჯერადად გადაუხდის ჯარიმის სახით ხელშეკრულების ღირებულების 20%-ს.
- 8.5. ჯარიმის გადახდა არ ათავისუფლებს მიმწოდებელს ვალდებულებების შესრულებისგან.
- 8.6. მიმწოდებელი ვალდებულია გადაიხადოს დაკისრებული ჯარიმა შემსყიდველის წერილობითი შეტყობინებიდან 10 (ათი) დღის ვადაში, შემსყიდველი უფლებამოსილია მოახდინოს საჯარიმო თანხის ჩამოჭრა ასანაზღაურებელი თანხიდან.

9. მხარეთა უფლება–მოვალეობები

- 9.1. „შემსყიდველი“ ვალდებულია:
 - 9.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.
- 9.2. „მიმწოდებელი“ ვალდებულია:
 - 9.2.1. მიაწოდოს „შემსყიდველს“ „საქონელი“, რომელიც სრულად შეესაბამება ხარისხით და სხვა მონაცემებით „შემსყიდველის“ დაკვეთას.
 - 9.2.2. დროულად შეასრულოს ხელშეკრულებით ნაკისრი ყველა ვალდებულება.
- 9.3. „შემსყიდველი“ უფლებამოსილია:

9.3.1. მოითხოვოს „მიმწოდებლისგან“ ხელშეკრულების ყველა პუნქტის შესრულება.

9.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

9.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

9.3.4. მიმართოს სასამართლოს ან სხვა შესაბამის ორგანოებს „მიმწოდებლის“ მიერ ხელშეკრულების პირობების დარღვევის გამო და მოითხოვოს ზარალის ანაზღაურება; 9.3.5. არ მიიღოს უხარისხო საქონელი.

9.4. „მიმწოდებელი“ უფლებამოსილია:

9.4.1. მოითხოვოს „შემსყიდველისაგან“ მის მიერ მიწოდებული „საქონლის“ ღირებულების სრული ანაზღაურება გარდა 9.3.5 პუნქტით განსაზღვრული შემთხვევისა.

9.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „საქონლის“ მიწოდება ან მის წინაშე დადგა დაუძლეველი ძალა.

9.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

9.4.4. მიმართოს სასამართლოს ან სხვა შესაბამის ორგანოებს „შემსყიდველის“ მიერ ხელშეკრულების პირობების დარღვევის გამო.

10. მხარეთა პასუხისმგებლობა ხელშეკრულების პირობების დარღვევისათვის

10.1. მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

10.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

10.3. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, გამოიწვევს საჯარიმო სანქციებს.

10.4. ხელშეკრულების შეწყვეტა მთლიანი ან ნაწილობრივი შეწყვეტა მხარეთა მიერ წერილობითი შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია.

10.5. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

10.5.1. თუ მიმწოდებელს ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „საქონელი“;

10.5.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „საქონლის“ მიწოდება სრულად ან დადგენილ ვადებში.

10.6. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისგან.

10.7. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:

10.7.1. თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე;

10.7.2. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.7.3. „მიმწოდებლის“ გაკოტრების შემთხვევაში.

10.8. საჯარიმო სანქციები რეგულირდება საქართველოს მოქმედი კანონმდებლობის შესაბამისად.

11. დაუძლეველი ძალის მოქმედება

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

11.2. ამ მუხლის მიზნებისათვის დაუძლეველი ძალა ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იყოს საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით, რომელსაც ცნობენ მხარეები.

11.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს

გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისგან.

- 11.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

12. სადაო საკითხების გადაწყვეტა

- 12.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.
- 12.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დაეკისვება გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

13. გამოსაყენებელი სამართალი

- 13.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონის მიხედვით.

14. ხელშეკრულების ენა

- 14.1. ხელშეკრულების ენაა ქართული. ხელშეკრულებასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

15. ურთიერთობა მხარეებს შორის

- 15.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
- 15.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო ადრე დადგება.

16. ხელშეკრულების სხვა პირობები

- 16.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.
- 16.2. „მიმწოდებელს“ არ აქვს უფლება წერილობითი თანხმობის გარეშე მოახდინოს მესამე პირისათვის უფლებების გადაცემა.
- 16.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.
- 16.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით აცხადებენ ერთმანეთს და ღებულობენ ერთობლივ გადაწყვეტილებას.

17. ხელშეკრულების მოქმედების ვადა

- 17.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან და მოქმედებს 2022 წლის 31 იანვრის ჩათვლით.
- 17.2. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.
- 17.3. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.
- 17.4. ხელშეკრულების ვადის გასვლა არ ათავისუფლებს მიმწოდებელს მოწოდებული საქონლის საგარანტიო ვადით განსაზღვრული ვალდებულებისაგან.

18. განსაკუთრებული შენიშვნები

- 18.1. ხელშეკრულება დამოწმებულია კვალიფიციური ელექტრონული ხელმოწერით ან/და კვალიფიციური ელექტრონული შტამპით.
- 18.2. ხელშეკრულება ძალაში შედის მიმწოდებლის მხრიდან ხელშეკრულებაზე კვალიფიციური ელექტრონული ხელმოწერით ან/და კვალიფიციური ელექტრონული შტამპით დამოწმების თარიღიდან.

19. მხარეთა რეკვიზიტები

„შემსყიდველი“

რეკვიზიტები: ს/კ 404945164 ; ბანკი: სს „თიბისი ბანკი“

ბ/კ TBCBGE22 ა/ა GE75TB7810436020100002

მის: ქ. თბილისი, ქავთარაძის ჩიხი №2.

გენერალური დირექტორი: ლ. კილაძე
